

立杜賣盡根店字契人邱阿添等有承父遺下瓦茅店壹坎坐落土名中壠新街隘門內大街中坐南向北瓦茅店壹坎四進參過水東至與饒家共牆壁直透毗連爲界西至與盧家共牆壁直透毗連爲界南至城墻路下爲界北至天街路爲界上至天覆下至地載四至界址面踏分明併帶門窗戶扇棚□樓枋以及店窗橫枋直柱磚瓦桁桷壹暨在內遞年帶納地基租銀四錢今因乏銀應用父子商酌願將此店出賣與人先儘問房親人等皆不欲承受外託中引得劉漢臣前來出首承買當日全中三面議定時值店價佛銀壹佰壹拾捌員正即日經中面交于邱阿添父子親收足訖其店宇亦即全中面交于劉漢臣前去掌管出贖收稅壹賣千休寸土塊瓦無留身及子孫俱不得言贈言贖保此業係邱阿添承父遺下之業與別房人等無干並無上手來歷不明一無重張典掛等情如有此情俱係賣主壹力抵當不干承買者之事此係明買明賣二比甘愿永無反悔恐口無憑今欲有憑立杜賣盡根店契字壹紙又帶上手契壹紙共貳紙付執永遠爲炤即日批明邱阿添實收到契內店價銀壹佰壹拾捌員正足訖批炤

再批明倘有上手字約未曾收清日后取出不堪照用作爲故紙批炤

爲中人 莊阿崇（花押）
在場見 羅鏡秋（花押）
代筆男 阿郎（花押）



光緒拾參年參月 日

立杜賣盡根店契字人 邱阿添（花押）